

1) vgl. EA VI 1, 155

Kopie - AH 47, 281-282 - Blatt 282^r leer

136

1653 [März 4.], Willisau

A

NOTIZEN [DES VERMITTLERS IM BAUERNKRIEG, BEATS II. ZURLAUBEN,
UEBER DIE VERMITTLUNGSBEMUEHUNGEN DER IV KATH. ORTE -
V AUSG. LU]

1. Erster Versuoch Jn die Statt Lucern zuo erschynen nit abgangen.
2. Uff Pit der Geistlichen Jre erclarung erfolget.
3. Unser entlich bescheidt: das wir uff Jr begären die Articul abnåmen, mit der ... [Obrigkeit: Schultheiss und Rat von Luzern] reden, sy hernacher wider beruoffen. Jnterim ... heimzegahn oder etlich ze pliben, sollendt ein engern usschutz machen, costen minderen, den handel befürdern.

...

Warendt die usschutz uffem Rathaus [zu Willisau] ein gross anzahl woll zefrieden. Hernach bim Jmbissmahl kamen etliche wider Jren 16 oder mehr - erstlich unser muehe bedankhende. Bynebednts sich wider entschuldigendt, wyl sy von Jren gmeinden nit befelch anderstwoho den handel abzemachen, als allhie zuo Willisauw, wyl man sy dahin beruoffen habe.

Jtem wan sy schon gern wolten Jn die Statt Lucern kommen dörffendts nit. Und einer, novissime Ankhommer, gsanter usem Entlibuoch, zeigt ahn, das die gmeinden Jm befolchen Jren abgeordneten zu vermelden das sy gantzlich by den Articlen Pliben wellendt, und das Keiner gen Lucern gange. So sy dan darwider handeln, wölten sy Jnen die Köpff abhauen. Aber wir gabend Jnen bescheidt wye Vormitag, mit nothwendiger ermahnung, uns Jre Articul zuo übergeben. ...

Die Entlibuocher uber Jre beschwärden aber Jn bywåsen auch etlich anderer usschutzen von uberigen Embtern so Jn die stuben hingetrungen. Jre 24 Articul abglåsen, uff Jeden der Landtspanermeister [des Entlebuochs, Johann E m m e n e g g e r] syn mundtlich bericht mit sittligkeit, Vernunft undt bescheidenheit geben, alles wahr ze syn und zuo erwysen erpoten. Zuovorderst aber darbracht, das schon etliche Jahr Jnen schwåre uffsatz gemacht mit buossen, mit Verpot fryen feylen Kauffs Jn saltz und anderem, Jn uffrichtung der gulten mit Verlurst und schaden, uff geldtruoff so zwahr geldtshalber Jnen nit vil geschadet. Aber daruff nit mehr handeln, die Zinsen nit richten khonnen.

Heten also Jren g. Herren [Schultheiss und Rat von Luzern] 3 Articul proponiert ... [?]¹ ruoff lassen gelten, allein vermeint die Fryburger [Nicolas Diesbach - Torny] und Solothurner [Urs Gugger] mochten neben den unserigen nutzen bestahn. 2. wo ho nit solten sy die wahr vech und anders von Jnen Nemen. 3. Oder wellendt Jnen herdt geben nach schazung und Verlorst des driten theils. Woh das aber nit erheblich sollen die Oberkheit selbs nach mitlen trachten Jn sy das Jrig heben und auch die Puren by dem Jrigen uberigen Pliben mochten. Jtem wye sy von H. Schultheiss Ulrich Tulligher audientz begärt, Zornigen bscheidt geben, doch versprochen den Stattknecht ze schikken, do der nit kommen, syendt sy fortgangen und an den H. Schultheiss] gsagt, wan man den geldt nit abgeruofft hete werde ein Khuo glych 25 Kronen golten han, aber Jme gedunckhe sy habendts schon lengest gelten wan ettwan einem ein Khuo so thür angeschlagen worden.

Erzellte auch wye den Poten die wyden Jns Mul bunden. Aber der Landtvogt [von Willisau, Jost Ludwig Pfyfffer] selbs gredt, wan einer ohne das gleidt Jns Land käme, das man Jn ustriben möchte. Uff das hin habendts des [Rathsherrn Melchior?] Krebsiger bethrewung vernommen die brugel gerustet, doch die H. gesanten von Lucern zuo Jnen kommen, sy Peten solten mit Jnen abhandlen, aber es nit thun wellen, sye also Jre gmein Man desto schwieriger worden. Dan Jeder Zytt quote worth aber kheine werkh erfolgt.

Uff 10 gl. Zins 56 gl. costen gangen von umbgeldts beschwärden und Reden wegen einen umb 1500 gl. nach sein Todt gestrafft.

Also syen sy zum Hl. Crutz [Heiligkreuz] gangen, sich entschlossen Jre alte Recht wider furhinzeheuschen, habendt Niemandt uffgwiglet. Willisau und andere haben auch vorhin sich vereinbahrt entlich aber allzesamen träten zuo Wolhusen ... Jn kheiner bosen meinung wider Jre Oberkheit sonders denselbigen Eydt vorbehalten.

Vor einem [Luzerner] Rathsherrn gredt die Kutlen Jm buch syen Jren.

Begaren khein Krieg habendt schon 2 Jahr petten umb Verbesserung.

Von der Abstraffung der Todten syn argument.

Wye von den Mulikhauffen und erbs wegen die Fürfahl man kauffen müesse."

1) Text zerstört.